

"ARUBAANSE COURANT"  
diariamente cu excepcion di  
diadomingo.  
subscripcion f. 3.25 pa luna.  
edicion los 20 ct.

edita pa:  
N.V. Arubaanse Drukkerij- en  
Uitgevers- en Publiciteits Mij.  
Nassaustraat 85 O'Stad Aruba N.A.

Imprenta na:  
N.V. Drukkerij "De Stad"  
Theaterstraat 11, Willemstad Curacao  
Telefoon 1116 Directiva y redaccion.  
2116 Anuncio y subscripcion.  
Directeur hoofdredacteur: D. Wolff.

# ARUBAANSE COURANT



Diario pa



Aruba



NOW!!  
FOR  
COOLNESS  
AIRCONDITIONING  
Tel. 2170



DIAMARS 23 DI APRIL 1963

No. 4621

## REPORTAHE EXCLUSIVO

Gracias na e cooperacion espontaneo y altamente aprecia di mr. W.J. G. Baron Gevers, embahador di Reino Hulandes na Jerusalem, e periodista John Settan y e fotografo Ibrahim Sahlagh, ambos conecua cu e directiva di United States Information Service, redaccion di Arubaanse Courant a logra despues di hopi esfuerzo pa hanja e reportaje unico y exclusivo di e inauguracion di e monumento "Tribute to the Bible" cu a worde regala na e Capilla Evangelico riba e punta di e seru di Olijfi na Jerusalem bieuw.

Como e parti di e ciudad di Jerusalem aki ta situa riba territorio di Jordania, nan mester a vence hopi inconveniente prome e tres senjores aki riba menciona a logra di presenta e lectoran di Arubaanse Courant e relato aki. Nos gradicimientu ta bai pa e embahador y U.S.I.S.



ADDISON CROES

di Dios" (Math. 4:4). E ora ey a sigui e gran momento, di inauguracion di e monumento, cual solemnidad a ser efectua pa e koster y ds. William Hern di e mission di Baptista di Jordania na Jerusalem. Ora ey e panja simpel borda a ser hila for di e rol e presentenan den e capilla tabata e promenan cu por a lesa e palabranan: "Tribute to the Bible".

Na murayanan di e capilla, cu a worde tuma den servicio na Juli 1961, actualmente la cologa no menos cu 31 traducion di e poema den lijsi, entre cual Aramees, Hindoe, Nepal, Eskimo, Tibetano, Hawaiano, Dilanti den e capilla riba un lugar na plena bista en lo futuro e rol lo para, un regalo di Aruba cu un poema cu desde su descubrimientu pa sr. Addison Croes a cuminsa conquista mundo.

Unico cos cu sr. Croes no ta hanja asina agradabel ta, cu e publicad cu e poema ta hanja, ta trece den e centro di publicad tambe. Mehior e lo a keda anonimo.

Un di su famianan a bisa nos poco dia pasa: "e no ta gusta pa sali den corant. E no ta haci tur esey solamente pa Dios?"

FATUM -- Tel.: 1845  
pa tur bo aseguranan

HOMBER A HOGA NA  
BOCA MAHOS

ORANJESTAD, 23 april. — Diadomingo atardi na Boca Mahos un accidente tragico a tuma lugar cu a costa bida di Emilio Arends di 33 anja. E victima a cai for di e barrancanan pa un causa ainda desconoci y a hoga tragicamente. E homber cu no tabata casa, tabata biba na Seroe Grandi 48. E cadaver no a ser hanja ainda, ayera atardi. E boca menciona ta conoci pa e gran cantidad di tribon cu tin a consecuencia di e sushi cu Servicio Veterinario ta deposita aya (regulamente).

SABOR DI  
TABACO RICO



UN PLACER PA HUMA



Dr. Elmer Smick, profesor den Testamentu Bieuw y archeologia na e Seminario theologico di Covenant na St. Louis, Missouri, Merca, durante su discurso den cual el a splica con Biblia ta e alimento di tur credulo.



E capilla Evangelico y alavez e Centro Cristian na e seru di Olijfi na Jerusalem, estableci pa sr. J.S. Mattar, e lugar caminda actualmente e monumento di marmol ta para cu e poema "Tributes to the Bible" un regalo di Aruba.



Dr. Charles McCoy durante cantamentu di e cantica 113: "I am Thine, O Lord", durante e servicio di inauguracion di e monumento.

Anja 23



Dr. Charles McCoy (drechi) un evangelista energico di e organisacion World Vision na Los Angeles. Aki ta inaugura e monumento di marmol cu e poema, cu gracias na e Arubano Addison Croes a hanja fama mundial. Na robes por mira net ainda sr. S.J. Mattar, e fundador di e capilla Evangelico y e Centro Cristian riba e seru di Olijfi na Jerusalem, caminda e regalo di Bijbelspreidingscomite di Aruba awor a hanja su lugar fijo.

## Monumento Arubano inaugura na Seru di Olijfi na Jeruzalem

Addison Croes: „mensahe importante y inspirativo pa miles di turista“

ORANJESTAD, 23 april. — Dia 6 di April u.p. e trabau inicia en secreto di sr. Addison Croes a ser corona di Jerusalem, ora cu den presencia di algun decenas di interesadonan, for di tur parti di mundo, un monumento a ser inaugura den forma di un rol di pappel. Graba aden tabatin un poema: „Tribute to the Bible“, traha pa un poeta desconoci y desde e descubrimientu di dje pa sr. Addison Croes publica rond di mundo.

Nos mester bai back te poco despues di 1950 pa jega na e momento, riba cual sr. Addison Croes un trahador silencioso den comunidad di Protestant na Oranjestad a descubri e poema „Tribute to the Bible“, mientras e tabata concentra su mes riba un buki religioso. Tanto el a ser impresionado pa e pureza di e pensamentunan cristalisa di e poeta desconoci, cu el a didi pa duna e palabranan inspirativo famamundial.

Traduccionnan na Hulandes, Papiamentu y Spanjo di e poema a worde traha. Na 1955 dos bordji di marmol a worde inaugura dilanti di e entrada di kerki Protestant na Oranjestad cu e

version na Hulandes y Ingles. E trabau a cuminsa y mas y mas cooperadonan a duna nan number, no solamente den interior, caminda e Arubaanse Bijbelspreidings Genootschap tabata e centro di actividad, pero tambe den exterior, caminda traductornan famosos a dedica nan mes na e poema pa traduce na dialectonan di pueblo y tribunan, cu segun e opinion di e grupo tambe tabatin e derecho di conoce. Nombernan manera dr. Norman Peale y srta. Tula Lewnes entretantu a worde conecta na e poema mescos cu di sr. Addison Croes, Padu Lampe y otro nan cu a duna nan mes pa e asunto aki. Millones di ehemplares di e poema

entretantu a worde distribui rond di mundu den diferente idioma.

### Christ is its subject

„Christ is its subject, our good its design, the glory of God its end“: esakinan ta solamente algun di e hopi palabranan inspirativo cual por worde hanja den e poema „Tribute to the Bible“. E solemnidad di inauguracion di e rol di marmol den e Capilla Evangelico, alavez centro Cristian riba e conocido lugar historico, na unda Cristo a reza prome cu su crucificacion, a ser presencia pa un grupo chikitu di fielnan.

Entre nan tabatin prominentenan manera dr. Charles Mc. Coy, un evangelista eminente cu ta traha na e cen-Merca, cu a bira conoci bado di e nombrado missionario na Los Angeles, na ber „World Vision“ y dr. Elmer Smick, profesor den e Testament Bieuw y Archeologia na Coven Semanario Theologico na St. Louis, Merca. E capilla Evangelico ta situa riba e seru di Olijfi y ta duna bista riba e misa Ruso di Sta. Maria Magdalena, e serunan den bicindario cu nan gruponan di palu di olijfi y e Jerusalem bieuw cu su muraya y hopi torre cu por mira tur caminda.

### Inauguracion

E solemnidad a cuminsa cu cantamentu di e cantica „Break Thou the Bread of Life“, sigi pa un oracion pa dr. Charles McCoy y un discurso corticu di e koster di e capilla S.J. Mattar, cu tambe a establece e capilla pa un gran parti di su propio fondonan. Sr. Mattar a expresa su alegria di e jega sano y completo di e rol. El a participa, cu el a cuminsa e capilla cu e distribucion di miles di panfleta cu e version Ingles y Arabi di e poema.

Luego dr. Smick a lesa e mensahe especial, enal sr. Addison Croes a manda p'e den un carta especial. Den e mensahe sr. Croes a expresa su conviccion, cu e „mensahe inspirativo y alavez asina importante, cual e poema ta contene, en lo futuro tambe lo worde lesa pa e miles di turista cu ta bin bishita e Terra Santi“.

Den e predicashi cu a sigui despues, sr. Smick a acentua cu Biblia ta „nos alimento“ cu ta duna nos forza, fisico y espiritual, na cual ocasion el a vripa e palabranan di Cristo: „No solamente di pan un ser humano lo biba, pero di tur palabranan cu ta sali for

## NOS INVENTARIO A CABA

Desde awe Diamars 23 di April

Nos pacusnan na Playa y San Nicolas

ta na disposicion di nos

estimada clientela atrobe.

SPRITZER & FUHRMANN







**MORRIS 1100**

"SUSPENSATIONAL"

E auto chikitu cu capacidad grandi

● MAS ECONOMICO

● MAS ESPACIOSO

● MAS GARANTIZA

**MORRIS 1100**

la ser jama

The smallest big car in the world

E unico auto chikitu cu 4 porta.

Completamente nobo y fantastico:

SUSPENSION HYDRAULICO

AGENTE:

**KUSTERS TRADING CO.**

TEL. 1012

**SI TOCH BO TIN DI ELIHI...**

ANTO ELIHI DEN BO MES PROBECHO....

ESCOHE MATERIALNAN DI PRIMERA CLASE  
Y DURABLE.....  
esey ta:BLOKKINAN DI  
**CEMPRO N.V.**

- vibra na machin diferente sorto:
- Blokki solido
- Blokki hol
- Blokki pa decoracion

LATEI, CABALLETES etc. etc.

**CEMPRO N.V.**

WAYACKA

TEL. 2444

**Ganadornan Sigur**

Ta e productionan di e fabrica di limonada mas moderno, mas higienico, di Aruba!

**Victoria Bottling Company**

SAN NICOLAS — TEL. 5192

◆ PEPSI COLA

◆ BUFALO ROCK

◆ SEVEN UP

◆ GINGER ALE

◆ VICTORIA SODAWATER

◆ KIST

◆ GRAPETTE

**ELECCION**

TA DIA 29 DI APRIL



KENDE LO GANA ?

- Manda nos bo contesta prome cu dia 29 di april 6'or di atardi ariba siguiente dos pregunta:

1. Cuanto asientos cada un di e tres Partidonan ta hanja?

2. Cual candidato di cada tres partido lo hanja mas tanto votos?

**PA E GANADORNAN TIN TRES PREMIOS!**

Prome fl. 50,— segundo fl. 25,— tercer fl. 10,—

Manda bo contesta aden mas pronto posibel pa: redaccion di „ARUBAANSE COURANT”, - Nassaustraat 85 Oranjestad, menciona ariba e envelop: „CONCURSO ELECCION”.

Si tin mas cu un bon contesta, suerle lo dicidi.

Mehor

**AUTO**

Nobo

of

**Segunda Mano**

bo ta hanja na

**Viana Auto Supply Co Inc**

SAN NICOLAS

TEL. 5120 - 5121

**ROBBA**  
DAL 1889 NEL MONDO2 BOTTER BASHI "ROBBA" VERMOUTH  
mas 25 cents pa 1 Glas  
2 BOTTER BASHI "ROBBA" ESPUMANTI  
mas 25 cents pa 1 Glas

N.V. WINKEL'S HANDEL MAATSCHAPPIJ

**HACI BON USO DI BO VOTO!****VOTA PA NO. 1 Ariba LISTA-DI-ELMAR****REDDY KILOWATT****"BO FIEL SIRBIDOR CU SEMPER TA NA BO ORDU"**(y si ainda bo no tin aire-acondicionado, anto puntra REDDY KILOWATT quico ta su opinion tocante esaki.  
Su conseho ta 100% profesional!)**ZODIAC**

horloschi Suiza di

primera calidad

y toch...

cu prijs razonabel!

**KAN N.V.**

JOYEROS DESDE 1918

**Zodiac**





Aki nos ta mira e pintor Hulandes Dick Hoogerwerf dunando un splicacion di un di su pinturanan na director di C.C.A. J.H. Beajon, durante e apertura di e exposicion di su cuadranan.

## Exposicion Dick Hoogerwerf den Centro Cultural

ORANJESTAD, 23 april. — Den presencia di mas o menos 20 interesadonan, especialmente di e circulo di C.C.A. y Arubaanse Kunstkring, a tuma lugar Diahierna merdia e apertura di e exposicion di e pintor Hulandes Dick Hoogerwerf pa ministro E.O. Petronia. Manera por a worde constata mes ora esaki tabata un exposicion cu ta hata atencion y cu ta interesante.

E promer orador senior Jan H. Beajon, presidente di C.C.A., a bisa cu ta masha carinoso di Dick Hoogerwerf cu el a pone tanto pinturanan asina na e exposicion na Aruba, y hasta di ta presente na e apertura di e exposicion. Tambe senior Beajon a gradici ministro Petronia y e Oficina di Cultura y

Ensenanza di drs. R.A. Römer, cu tambe a yuda asina tanto cu e exposicion aki por a tuma lugar. „Awor Aruba tin e ocasion pa sinja conoce un di e pintornan di mas conoci na Corsow”, segun presidente di C.C.A., cu a splica claramente cu mester trata asina tanto cu ta posibel pa yega na un intercambio di cultura entre e islanan di Antillas. Senior Beajon ta spera, cu e iniciativa cu C.C.A. a tuma, awor lo ta un ehemplo. Papiando tocante esaki el a recorda e palabranan cu Gobernador mr. N. Debot a bisa: „acon nos por yega na un intercambio di cultura ariba un nivel internacional, si nos no por haci esaki posibel ariba nivel nacional?”

### Un di nos

„Esaki ta un exposicion di un pintor, cu nos por conta como un di nos”, segun e palabranan di ministro Petronia. „Aunke cu el a nace na Den Haag”. „Dick Hoogerwerf a asimila completamente na nos cultura”.

E ministro a splica con e pintor ta un homber cu ta pinta e hende di Antillas na un manera casi explosivo, asina cautiva e ta pa e hende den su cantidad di aspectonan y emocionnan. Den su pinturanan den cual e hende humano ta semper central, segun ministro Petronia, ta papia di un espíritu di simpatia y amor pa otro hende y un buscamento di e misterio di bida, cu ta secon di cada persona. Despues di a duna como su deseo cu e anja aki lo tin mas di exposicionnan asina, ministro Petronia a habri e exposicion cu e palabranan: „cu esaki mi ta habri e exposicion di e Antillano Dick Hoogerwerf.”

Pasando den e lugar (poco chiquito) di exposicion, e bishitante ta ripara cu e trabao di Dick Hoogerwerf tin karakter, espontaneidad y e tin entusiasmo pa pinta: karakternan cu den promer instancia ta haci un pintura algo cu ta impreta. E pintor ta preocupa cu e hende humano y su karakter, forma door di e bida. Su trabao ta consisti tambe di un parti grandi di estudionan di hende, hoben y bieuw. E expresion ariba e cara di su modelonan ta fantastico, e publico ta hanja un impresion, cu Hoogerwerf na ningun momento tabatin trabao pa interpreta e karakter di su modelo y despues pinta esaki. Pero lastimamente e pinturanan bez en cuando ta saca e dificultadnan aki na cla, cu e pintor tin cu e tecnico di anatomie y portret, dificultadnan cu facilmente e lo por domina, cu algun yu-

## AWE, DIAMARS REUNION DI A.V.P. NA NOORD

Partido di Pueblo Arubano, A. V. P. tin e honor di invita tur su miembronan, simpatizadores y Pueblo di Aruba en general pa asisti na su Reunion General Publico pa campanja electoral awe **DIAMARS, 23 di April pa 8'or di anochi na cas di Sr. ANICETO VENANCIO TROMP, Montaña no. 9 dilanti sportcentrum na Noord.**

A. V. P. ta suplica cordialmente donjonan di auto pa coopera cu A. V. P. y duna transportacion na esnan cu no tin.

Busnan grandi lo corre ariba tur carreteranan di distritonan pa transporta hende gratis manera costumbre.

Un anima otro y tur bin tende e reunion importante aki di A. V. P.

danza den techniek di pintamento.

Pa laga e erronan amateur aki for di su obranan, lo no ta un trabao grandi, cu e talento cu e tin. Hoogerwerf conoce su erronan, y aunke cu nos sabi cu un artista dinamico casi nunca ta un artista perfecto, toch lo nos kier a mira cu e pintor aki cu ta pinta cosnan comprehendibel, den futuro lo por a elimina e erronan chiquito aki. Un pintor cu, apesar di erronan principal cu den su techniek sabi di duna un cura asina tanto expresion, no mester ta con e ta, cu algun puntanan di menos importancia, cu kizas no ta esencial pa satisfase su mes, pero cu ta duna e publico cu ta bishitando e exposicion

di e artista, un mal impresion. Potretnan interesante ta esun di un mucha muher den un blousa berde, esun di un dama bieuw cu un panja rond di su cabes y di un otro dama cu un panja blanco cu' preto rond di su cabes. Tambe den pinturanan di mucha, Hoogerwerf ta interpreta e karakter di su modelo na un manera excelente. Nos ta spera cu den futuro Aruba lo hanja mas sorto di evenementonan asina y nos ta masha gradicido na Dick Hoogerwerf y e organisadornan di e exposicion, cu lo dura te dia 27 di April. Nos ta spera cu den futuro nos lo mira consecutivamente mas obranan, honesta, impresionante y di talento di e pintor Hoogerwerf den exposicionnan na Aruba.

### DAKOTA PA FINALE CU TRIUNFO RIBA SAN NIC. JRS

(Di nos Dedector Deportivo)

E promer equipo den clasifica pa finale di e torneo di futbol hoofdklasse pa Copa Juliana ta e campeónnan di Dakota. Mediante un triunfo di 3 gol pa 0 riba e onena di San Nicolas Jrs diasabra anochi den Wilhelmstadion e dakotajonan a hacha derecho di continua den e torneo.

Cu un gol di e hoben Richard Jacobs den e promer mita di wega, Dakota a tuma ventaha.

Despues di halftime Doc Williams cu un bon combinacion cu e mes Jacobs, ta anota e scugudo gol dakoteno, mientras cu e tercer y ultimo di wega ta producto atrobe di Richard Jacobs.

Segundo wega di e semifinale ta worde hunga awe nochi den Wilhelmstadion entre e equiponan di Aruba Jrs y Jong Aruba. For di e dosnan aki mester sali e otro finalista cu lo tin di enfrente Dakota diasabra awor.

## Cumpleanjos

Awe ta cumpli un anja di feliz existencia e hobencito Mervin Simon. E ta ricibi hopi felicitaciones di su mama Isabel, tata Simon Danies, rumannan Glenda, welo y welanan. Tambe di su primo y primanan, tanta y omonan y especialmente di su madrina Emilia Danies y demas famia.

Awe ta recorda su fecha natal e simpatico hobencito Robert Franklin Everon. Hopi felicitaciones ta bini di su mama Bechi, su tata Cheppy, su rumannan Jachi, Chana, May y Deta. Tambe di su welo y welanan, su tanta y omonan, su madrina Maria Willems, su padrino Pablo de Cuba y especialmente di su amiguitonan y di famia Everon, Britten, Thode, Willems, De Cuba, Carasgero y Farro.

### „MIDDELENSTAAT” ARUBA MAART

ORANJESTAD, 23 april. — Ultimamente a worde publica e „middelestaat” di e territorio insular di Aruba, y a resulta cu duran e promer tres lunanan di e anja aki e total di e entrada tabata f 2.848.018.73. E calculacion pa henter e anja ta f 24.469.000. — E promer tres lunanan di 1962 a worde ricibi.

### Teritorio Insular di Aruba Eleccion pa Eilandsraad 1963

Segun articulo 47 di Reglamento Electoral di Aruba e persona cu ta vota pa poder unicamente por ser admisi pa vota contal cu esun cu a dunele poder e mes no a vota caba, pero no prome cu 12'or di merdia.

Hefe di Censo y Registro Civil

## Teritorio Insular di Aruba ELECCION PA EILANDSRAAD 1963

Gezaghebber Interino di Teritorio Insular di Aruba ta participa cu votacion pa eleccion di miembronan di Eilandsraad di Aruba lo tuma luga riba Dialuna 29 di April 1963 di 8'or di mainta te 6'or di atardi.

Ademas ta hala atencion riba articulo 134 di Ley di Derecho Penal di Antiquan Neerlandes (Wetboek van Strafrecht) cu ta bisa lo siguiente:

Esun cu ta haci su mes pasa pa otro, y tuma parti den un eleccion stipula pa ley, ta ser castiga cu castigo di prison di por lo mas un anja, y segun articulo 132 di Reglanan di Votacion pa Eilandsraad di Aruba cu ta bisa:

„Esun cu ora di eleccion ta vota pa un persona, sabiendo cu tal persona a muri, ta ser castiga cu detencion di un luna of un boet di por lo mas mil florin”. Dunadonan di trabao ta ser recorda riba articulo 37 versiculo 1 di Reglamento di Eleccion pa Eilandsraad cu ta bisa:

Cada dunado di trabao tin deber di percursa, cu cada trahado cu ta traha serca nan y cu tin derecho pa participa na votacion, haya ocasion di por lo menos tres ora consecutivo durante ora di trabao entre 8'or di mainta y 6'or di atardi, contal cu e trahado di otro manera tin tres ora liber tras di otro pa e por bai vota.

Na number di Gezaghebber Interino di teritorio insular di Aruba, Hefe di Censo y Registro Civil.

## Un les so no tabata basta

HOLLANDSE BANKETBAKKERIJ

Oranjestad tel. 2798 — San Nicolas tel. 5478

E mehor adres pa Bolo y tur clase di pasa-boca. Diariamente fresco.

— 5 —

„Ahan, e auto gris ta di dje anto. Un di su diez autonan”.

„Eddy ta ken ta e dama cu ta stuur e auto ey? Mi no a ripara su cara mucho bon. E tin cabes blond y tin un bril di solo berde bisti”.

„Esey ta senjora Malbus”.

„Su senjora...? Pero con por ta. Ta un dama di apenas 33 anja mas o menos. Y si mi no ta kiboca senjora Felipe Malbus mester tin mas di 70 anja caba”.

„Si despues cu su prome senjora a muri den un accidente di auto, el a topa cu un bunita artista den un cabaret y pronto el a haciele su esposa”.

„Hmmm, placa ta placa, ni edad, ni malesa ta forma ningun strobacion... y kiko a pasa cu e yiu muher di su prome esposa?”

„Homber, keda ketu, e mucha ey apenas tin 18 anja, pero esta un galin! Y Eddy ta kinipi un wowo”.

Lo mi prefera e senjorita ey mas cu tur e diez autonan di senjora Malbus”.

„Oh ta kiko ta? Semper mi ta tuma bo pa un homber esa deciente”.

„Claro, esey mi ta tambe, pero kende por pensa ariba Yvette Malbus sin hanja algun idea den nan cabes. Mi ta sigurabo cu te hasta un cadaver lo hanja mal pensamiento ora cu ta trata di Yvette”.

Pero, Eddy ta continua, ta di con ho tin tantu interes den famia Malbus di repente?

„Ah, bo sa masha bon con mi ta. Mi a ripara un auto luho cu un dama stranja y a bira curioso”. Pero no cu tin nada particular”.

„Mi a ripara cu mi no a conveniencia, pero e no a papia mas ariba e asunto aki”.

„Mario, majan nos ta cuminsa cu contamento di autonan pa informacion pa censo. Ta trabao di algun siman, pero toch ta algo, si bo ta interesa, mi por duna bo number”.

Ningun momento mi a vacila. „No masha danki Eddy, mi ta aprecia cu bo a corda ariba mi, abo ta un berdadero amigo. Pero mi tin algo caba”. Y mi ta despedi di Eddy.

Na caminda pa cas, mi tabata repasa e informacionnan cu mi a hanja di e famia Malbus. Mi tabata sinti masha anima. E senjora di e homber mas rico di mundo tin un trabao pa mi. Majan mainta e ta janiami pa telefon. Wel, ta bon, mi ta dispuesto pa corre algun riesgo, basta cu e pago ta bon. Sin mi sa mi a cuminsa ta fluit. Ta prome bez despues cu mi a sali for di prison cu mi ta fluit atrobe.

Siguiente mainta mi ta tanta trempan y ta bai na biblioteca pa check un noticia den corant. No ta tarda mucho pa mi hanja loke ta interesa mi. Mi ta lesa. Felipe Malbus ta casa cu Rina Pasadon, cinco luna despues di morto di su senjora. Tabata basia pa mi, mi a comprende caba cu Rina a casa cu e bieuw pa su placa. Mi ta bolbe pa cas y ta spera e jamada. Mi a dicidi pa no conta mi senjora nada, prome cu mi sa ta ki klase di trabao mi ta bai hanja.

Precies 11'or telefon ta ring. Mi curazon ta bati te den mi boca, y mi man ta tembla ora cu mi ta hisa e telefon for di haak.

„Senjora Bosco?”

„Mi no por kiboca, ta e voz cla y decidido di e dama”.

„Si” mi ta contesta.

„Nos a topa ajera...”

Awor mi a dicidi cu esaki ta e momento di dunale un sorpresa.

„Si senjora Malbus, nos a topa den e bar ajera”.

„Ha, esey a cai bon. Pa un ratu tabatin un silencio. Casi mi por a sinti con e ta hata rosea, pero e senjora ta recupera mes ora y ta bisa:

„Bo sa na unda tin e casitanan di beach?”

„Si senjora”.

„Wel mi kier pa bo huur un dje casitanan ey. Esun di ultimo na man robez. Awe nochi 9'or mi ta topa cu bo ey nan”.

„Okay, mi ta huur e casita, y ta spera ariba bo pa 9'or”.

„Te anochi anto”, y e senjora ta cera e telefon.

„Mi ta sinti un poco sobresalta. Por toch mi ta interesa den e asunto aki. Ta algo cu tin riesgo aden. Chantage...? Podiser e kier pa mi judele pa deshaci di cualkier amante cu e no kier weita mas awor cu e ta casa?”

„Mi ta waak ariba mi holoshi. Tabata trempan ainda. Mi tin ehens pa bai huur e casita na beach y mira pa tur cos ta na orde”.

Donjo dje casitanan tabata Thomas Donell, un tercio grandi jen di musculo, kende alavez ta salba bida di hendenan na beach en caso di accidente. E casitanan tabata luho, y mi a nota cu majoria di nan tabata ocupa.

Thomas Donell conoce mi bon. „Halo Mario”, mi ta contento di mira bo”.

„Danki.” mi ta contesta y ta dunele man. „Mi kier huur un di bo casitanan pa awe nochi 9'or!”

„Nos ta cera 8'or senjora Bosco, despues dje ora ey no tin ningun hende mas aki bao”.

„No ta nada laga e jabi. Majan mi ta entrega bo e jabi bek y mi ta pagabo tambe”.

„Ta bon senjora Bosco, nos conoce otro hopi tempo caba”.

Na caminda pa cas, mi ta kibra mi cabes, pensando kiko lo mi conta Nena. Porfin mi a dicidi di bisele cu mi ta bai traha huntu cu Eddy Dillon den contamento di auto pa Censo”.

Ora cu mi a conta mi senjora e mentira, mi a sinti mi mes baho, un mentiroso di primera clase. Especialmente ora cu mi a caba di bisa, cu mehor 50 dollar pa siman cu sinia por nada na cas. E pobrecita tabata contentu pa mi.

E anochi ey, pa 8'or y mei mi ta drenta den nos Dodge bieuw, cu casi ta corre ariba su ultimo rosca. Ora cu mi a start e motor, mi a priminti mi mes, di cumpra un auto nobo pa Nena, asina cu mi hanja un trabao!

(E ta sigui)

## BO HOROSCOPO PERSONAL

ARIES

21 Maart — 20 April



Awor bo ta drentando un periodo di adelanto y progreso tantu riba terreno personal como comercial.

TAURUS

21 April — 20 Mei



Bo mester traha un programa bon di bo interesnan y posibilidadnan, bo por progresa si bo investiga prome.

GEMINI

21 Mei — 20 Juni



E periodo aki por trese algun cambio decisivo y progreso pa bo. Tambe ta posibel cu bo circulo di conocinancian ta worde extende.

CANCER

21 Juni — 22 Juli



Bo interesnan y ambicionnan por worde realiza si bo usa tur bo energia pa logra esey.

LEO

23 Juli — 22 Augustus



Durante e periodo aki bo interes pa asuntunan aleha lo aumenta, tambe pa viahenan, bo fuicio ta hopi bon.

VIRGO

23 Augustus — 22 September



Luna nobo ta favorece tur loke bo ta haci en cooperacion cu otro, por tin un encuentro di sorpresa.

LIBRA

23 September — 22 Oktober



Bo mester tene un bista riba bo concuerdancia y trata di sinja algo for di nan.

SCORPIO

23 Oktober — 22 November



E periodo cu ta cuminsa awor por ta hopi feliz y provechoso pa bo, basta bo cumpli cu tur loke bo a priminti.

SAGITARIUS

23 November — 21 December



Cambio di luna ta pasa bao di un aspecto favorabel, traha segun un plan of sistema y prepara bo mes mihor.

CAPRICORNUS

22 December — 19 Januari



E periodo aki lo trese exito pa bo den cua to por haci hopi trahao preparativo, anochi tin un sorpresa agradabel.

ACUARIUS

20 Januari — 18 Februari



Awor bo tin oportunidad pa influencia otro, naga tino na bo apariciona y bo bisiñanan.

PISCES

19 Februari — 20 Maart



Luna nobo tin un aspecto favorable pa bo den asuntunan material y bo interesnan di trabao.

## DESASTRE NA INDIA

CAUCUTA, 23 april. — Durante un remolino den un parti di e estado Bihar na India 26 hende a muri y mas di cien a worde herida. Parce cu milos di cunpan a worde destrui y un enorme cantidad di bestianan a muri.

## Bring in your Color Samples!


We'll match them in seconds—in our Du Pont Color Master Paint Mixing Machine. Choose just the fine Du Pont finish you need—flat, semi-gloss, or gloss—for interior or exterior. We'll mix the quantity you need in seconds—automatically!



ANTILLIAN HARDWARE STORE

WINDSTRAAT 42 (opposite San Pedro Hospital) — Tel. 1864

BUY THE PAINT THAT'S WORTH THE WORK...THE BEAUTY LASTS!



No acumula mucho stekker huntu den un stop-contact. . . . consulta cu bo electricista pa stopcontact adecuado! Esaki ta otro conseho franco di bo amigo y servidor

REDDY KILOWATT.